

SymposION



Rollenweiberei I Text, 13. 1. 2020, Teil 1

Die Tür

Oh, before you go, before you go through that gate,
I must tell you something,
must talk to you, before you go and I
can't talk to you no more.....
I must tell you, life was cruel with you,
life was cold with you.

And now at the other side of the world, with oceans deep between us,
I can rest, and hopefully become quiet in my breast.
And now with the Oceans deep between us I can rest and hopefully become quiet in my breast.

I ha mi ufgmacht uf dä Weg, zum Innerste vo mim Sii.
I ha mi ufgmacht uf de Weg vor langer Ziit scho Vater.
I ha mi ufgmacht uf de Weg zum Innerste vo mim Huus,
vo dim Huus, vo mim Huus, vo üsem Huus.

I bi gange dür au die Türe die Verbotene,
han aui vier Wächter passiert,
da han I hinger au dene TABUS
under aune TUEDASNID,
im'ne dunkle Verlies,
hinger au mine Ängst
gfunge dä Schlüssu, Vater,
wo passt het zu kenere Tür.

U du hesch mi de furtgjagt, u nümm wöue gseh,
auso han I e Punkt gmacht vo hie ha mi ufgmacht uf de Weg,
ha verlah die Städt, ha teuf i Spiegu glueget
zum finde die Tür, wo passt zu däm Schlüssu woni ha gfunge, Idir und Imir !! Imir und Dimir
ha mi ufgmacht uf de Weg.
Han Formle studiert,
d'Charte g'lernt läse und d'Plän,
vo au dene Hüser, uf dere Wäut,
ha de Fluss vo de Gedanke vo sine Beschränkgige befreit
i tuusig u eire Nacht...
und während i da gsässe bin, isches immer heisser worde, under mim Gesäss....u eines Nachts isch
unger mim Arsch dä Stei erwachet, het bebt, het glüüchtet i aune Farbe...
..... i dere Nacht

I ha se de gfunde die Tür,
die Tür wo zwüschet däm wo isch gsi und däm wo no chunnt,
zwüschet Läbe u Tod, Tag u Nacht
zwüschet em IEZ und em NOW, i de Dämmerig

Da han i se gseh, die Wese vo frühener,
die mit de Schwänz im sidene Gwand.
Ha gseh Könige und Königinne passiere,
uf em Weg i d'Ewigkeit, hinger au däm Tand
han I mi plötzlich gfunde,
mit em Rügge zur Wand,
em erchautende Stei under mir,
ha gluegt rechts u links
ha mi gfunge i däm Land
als Bettlerin, als Bettlerin
am Wegesrand.

Glöckchen glöckchen klingelileling, kling Glöckchen kling